

حقوقی بيلکيسلر مجموعه سي

هر آي صوکنده نشر اولنور

تخصیصه جهت مالیه جه تشبث ایدلمکده اولدینی مبرز اخبارنامه لردن آکلا شلمقدمه ایسه ده خاتک اموال متروکدن اولدینی جهته متصرفی عهده سینه تصحیح قیسی لازم کلتجه جهت مالیه جه بونک برقسمنک اشغالندن طولایی مستأجر لردن کیرا طلب واخذینه صلاحیتی قالمیه جفندن اجزا شرکشدن کیرا تخصیصه تشبث صورتیسه واقع اولان معارضه نکه ده منعه و مصارف محاکمک مدعی علیهمایه عأدیده قابل تمیز اولمق اوزره فی ۲۱ شباط سنه ۹۲۷ نارینخنده وجاهاً و متفقاً قرار ویریلرک تفهیم قلندی.

فی ۳ مارت سنه ۹۲۷

[اصابتی درکار و اسباب موجب سنک قونی آشکار اولان بو اعلامده نظر دقتی جالب اولان جهت شودر: محکمه اموال غیر منقوله مبعوثه نکه مزایده سنک تأخیرینه قرار ویردیکی حالده بوتأخیر اجرا قراری دوائر عأده سنجه نظر اعتباره آلمانمشدر؛ بونک جمهوریت تورکیه سنده ممکن اوله بیله جکینی دوشونمک بک وجدانخرایش برواقعه در؛ حقوقی فکرلرده وکالت جلیله نکه و دوائر عأده سنک نظر دقتی جلب ایدلمشدر. غ. ف.]

محکمه تمیز برنجی حقوق دأره سنده:

اعلام تاریخی ۲۸ مارت

» نومروسی ۲۷۶۸

خلاصه: استهلاك جزای نقدیلرینک تحصیل اموال قانونی موجبجه استیفا ایدیلر جکینه دأره بر حکم قانونی موجود اولماسنه و جزایه حکم ایتک حتی محاکم جزاییه نکه صلاحیتی داخلنده بولونماسنه بناءً مالیه نکه اول امرده استهلاك جزای نقدیلری ایچون محاکم جزاییه به مراجعتله حکم استحصاله مجبوریتی وارددر.

بک اوغلنده مشروطیت محله سنده آفتاب سواقاغنده مراد بک آپارتماننک ۲ نومرولو دأره سنده مقیم بغوص عجم بالیان ولد آندون افندیکنک استانبول ولایتی دفتر دارلنی علینه بر قطعه استهلاك ویرکوسی اخبارنامه سی موجبجه کنديسندن غیر قانونی اوله رقی الی لیرا مقطوع جزای تقدی ایله نقصان ویرکو مقداری اولان بیک ایکی لیرا یتمش یدی غروش که جمعا ۱۰۵۲ لیرا یتمش یدی غروش طلب ایدلمکده اولدیفندن بوضورتله وقوعبولان مداخله نکه منعی طلیله اقامه ایلدیکی دعوانک اجرا قلنان محاکم سی نتیجه سنده:

وجه قانونی به استناد اطمینان مداخله نك منعه دائر استانبول محكمه اصلیه در دنجی حقوق دائر مسندن صادر اولان ۲۰ كانون ثانی سنه ۹۲۷ تاریخ و ۱۰ نومرولو اعلامك تمیزاً تدقیق مدت قانونیه سی ظرفنده و شرائط لازمه دائره مسنده خزینة مالیه طرفندن طلب اولمغله اوراق تمیزیه و حكمیه بالتدقیق ایجاب کیفیت مذا كره اولندقدہ :

عمومی استهلاك قانونك اون ایكنجی ماده سی موجبجه جزای تقدینك تحصیلنه دائر جزا محكمه مسندن بر حكم صادر اولمادجه مدعی علیه خزینة مالیه نك جزا تحصیلنه تثبت ایتسی مخالف قانون اولدیغنه كوره منع مداخله دن عبارت اولان حكم تمیزیه بالتلیجه قانونه موافق ولایحه تمیزیه مندرجاتی غیر وارد اولدیغندن اعتراضات مسروده نك ردیله حكم مذكورك اصول محاكات حقوقیه قانونك ۲۴۲ نجی ماده سنك فقره اخیره سی موجبجه تصدیقنه و بوجه زیر مصارف تمیزیه نك مستدعی تمیزیه عأدیقنه ۶ مارت سنه ۹۲۷ تاریخنده متفقاً قرار ویرلدی .

محكمه تمیزیه برنجی حقوق دائره مسنده :

قرار تاریخی : ۲ شباط ۱۹۲۷

نومروسی : $\frac{۱۲۲۱}{۸۳۲}$

خلاصه : ۱۶ اغستوس ۳۴۰ تاریخندن صوكر اموال متروكه طرفندن اجرا ایدلش اولان وضع یدلر غیر قانونیدر .

یكی كوی دائره بلدیه جوارنده اونيك بك خانه سنده مقیمه مادام مفدانیه و كیلنك مؤكله سنك باسند عهده تصرفنده بولان قارتال قضاسنده واقع معلوم الحدود تارالیه اموال متروكه عدیله وضع ید و مداخله ایدلديكسندن بالبحث مداخله واقع نك منی طلبیه استانبول دفتر دارلنی علینه تجدیداً اقامه ایلدیكی دعوی اوزرینه اجرا قلنان محاكه ده مدعا به تارالا مدعیه نك عهده تصرفنده بولدینی تصرف سندی و مزبورده نك حالا استانبولده اولدینی علم و خبر ایله ثابت اولدینی و ۳ نیسان ۹۲۶ تاریخلی قرار نامه ده فی ۱۶ اغستوس سنه ۳۴۰ تاریخندن صكره اموال متروكه به وضع ید ایدلمه سی و تاریخ مذكوردن صكره وضع ید و وقوع بولش ایسه بوقیل اموال غیر منقوله نك

متصرف و یا وکیلرینه تسلیم ایدلسی مصرح اولوب مدعا به ایسه ۲۰ نisan ۳۴۱ تاریخده وضع ید ایدلدیکی اموال متروکه مدیرینک تذکره سی مندرجاتیه تحقیق ایتدیکی جهته له مداخله واقعه نك منعه دائر استانبول محكمه اصلیه ایکنجی حقوق دائره سندن ویریلوب تمیزاً تدقیق مهل قانونی ظرفنده و شرائط لازمه دائره سنده خزینه وکیلی طرفندن طلب واستدعا اولتان ۵ کانون اول ۹۲۶ تاریخی و ۴۹۴ نومرولو اعلام طرفینک اعتراض و جواب لایحه لریله برابر تدقیق و مطالعه و ایجاب کیفیت مذاکره اولندقد: مستند بولندیفی اسباب موجبیه نظراً حکم تمیزیه اصول و قانونه موافق و اعتراضات تمیزیه غیر وارد اولدیغندن ردیه اصول محاکمه حقوقیه قانونک ۳۴۲ نجی ماده سنک فقره اخیره سی موجبجه حکم مذکورک تصدیقه وزیرده مفرداتی مرقم مصارف تمیزیه نك مسترعی تمیز خزینه مالیه عایدته ۲ شباط ۹۲۷ تاریخده متفقاً قرار ویرلدی . ۱۴ شباط ۹۲۷ تاریخ و ۱۷۴۴ عددلی اعلامک صورتیدر .

محکمہ تمیز برنجی حقوق دائره سنده :

قرار تاریخی : ۱۹ شباط ۹۲۷

نومروسی : ۲۴۰۵

خلاصه: تورکیه مملکتنده متمکن اجنبیلرک حقوق ووظائف حفنده کی فی ۲۳ شباط ۳۳۰ تاریخی قانون موقتک اوچنجی ماده سی موجبجه اموال غیرمنقوله صاحبی اولیان اجنبیلرک تورکار علیهنه اقامه ایلیه جکلری دعوالرده تأمینات آقھی اعطاسنه مجبوریتلری درکار اولوب بوجوریت مدعی علیک طلبیه مقید اولیوب محکم مدعینک نابعیت اجنبیه ده بولندیغه و تأمینات و برمکسزین اقامه دعوی ایچون ایجاب ایدن شرطلری حائز اولدیغه واقف اولور اولماز بوتأمیناتی رأساً طلب ایتمک مجبوردر .

موسیو لوئینک امین اوکنده ریختیم خاننده (۲) نومرولو دائره ده یلکنجی زاده صالح ذکی بك علیهنه بینارنده منعقد برقطعه مقاوله نامه موجبجه صاحبی بولندیفی واپوریه مدعینک امانصرده بولتان بوز یکریمی طون مقدارنده کورینی استانبوله تقفی تعهد ایلمش ایکن تعهدینی ایفا ایتدیکندن مقاوله نامه نك فسخیله آوانس اوله رق ویریلن ایکوز لیرانک تحصیلنه قرار اعطاسی طلبیه اقامه اولتان دعوانک اجرا قلنان محاکمه سی

نتیجه‌سندۀ عقدك فسخیله مبلغ مدعا به ایکوز لیرانك مع فائض تحصیله دائر استانبول محکمه اصلیه سی برنجی تجارت دائرہ‌سندن صادر اولان فی ۱۳ تشرین ثانی ۹۲۶ تاریخ و (۵۵۹) نومرولو اعلامك تمیزاً تدقیق مدت قانونیه سی ظرفندہ و شرائط لازمہ دائرہ‌سندہ صالح ذی‌بک طرفندن طلب اولمقلہ مذکور اعلام و اوراق تمیزیه مع التفرعات بالتدقیق ایجب کیفیت مذاکرہ اولدقده :

مدعینك فرانسر تبعہ‌سندن اولدیغہ کورہ تورکیہ دہ اموال غیر منقولہ سی بولمادیقی تقدیردہ اول امردہ کنديسندن تأمینات اخذی لارمہ قانونیه دن ایکن بولوم قانونیه رعایت ایلدیکی آکلاشیله مدیغندن و بناءً علیہ اعتراضات تمیزیه‌نك تدقیقہ محل کوریلہ مدیکندن حکم میز بهك بونقطہ دن اصول محاکمات حقوقیه قانوننك (۲۴۱) نجی مادہ سی موجبہ نقصنہ و کیفیتك نقص واقع دائرہ‌سندہ بالرؤیہ اعلامہ ربطی ضمتدہ اوراقلك محللہ اعادہ سنہ و بروجہ زیر مصارف تمیزیه‌نك ایلرودہ حقسز چیقہ حق طرفہ عایدقہ ۱۹ شباط ۹۲۷ تاریخندہ متفقاً قرار ویرلدی .

محکمه تمیز برنجی حقوق دائرہ‌سندہ :

قرار تاریخی ۲۱ کانون ثانی ۱۹۲۷

نومروسی ۱۷۹۳

خلاصہ : استانبولہ مقیم برکیمسہ‌نك یقہ‌جقدہ موجود اموال غیر منقولہ سنہ اموال متروکہ دیبہ وضع ید ایدلسی مغایر قانوندر .

استانبولہ دردنجی وقف خاندنہ اصمہ قاندہ ۱۴ نومرودہ مقیم بورسہ آجته‌سی ژوزف اسکنازی افندی‌نك طابو سندلریله عہدہ تصرفندہ بولان قرتال قضاسنہ تابع یقہ‌حق قریه‌سی جوارندہ کائن اوزون قویو موقعندہ بردونم ایکی اولک ، طوب سرویدہ ایکی دونم ، خیرات قبودہ اوچ دونم ، کوپری باشی جوارندہ بردونم ، اوزون قویودہ تکرار اوچ دونم تارالریخی اموال متروکہ دن ایتمس کبی بالمزایدہ فروخت ایتمکہ تشبث و مداخلہ ایدن قرتال اموال متروکہ مأموریتی علیہ اقامہ ایلدیکی فضولی و خلاف قانون مداخلہ سنك منعی و مزایدہ‌نك تأخیری دعواسنك اجرا قلنان محاکمہ سی نتیجہ‌سندہ مدعی ژوزف اسکنازی افندی‌نك اموال غیر منقولہ سنہ وضع ید ایدلسی کنديسنك

يقع حقه اقامت ايتمه مكدە بولمىسندن ايلرى كلديكى قرتال مال مديرلكنك واستانبول اموال متروكه مديرينك مذ كره لرى مندرجاتيله آ كلاشلمىسنى ومدى مومى اليك بك اوغلندە مايقمده اقامت واستانبولده تجارت وصنت ايتمكدە اولدينى كاتب عدللكدن معطى وكالتنامەسى مفاديله نمايان اولمىسنى مبنى وضع يد ومداخله معاملە سنك فضولى اولدينى تحقّق ايتمش اولديغندن مداخله واقمەك منعه دائر استانبول محكمه اصليله ايكنجى حقوق دائره سندن صادر اولان ۱۴ تشرين ثانى ۹۲۶ تاريخ و ۶۵۰ نومرولو اعلامك تميزاً تدقيق مدت قانونيهسى ظرفنده وشرائط لازمه دائره سنده خزينه مالىه طرفندن طلب ايدملكه اوراق تميزه ايله اوراق دعوى بالمطالعه تدقيقات تميزه اجرا و احجاب كيفيت مذا كره اولدوقده: اعتراضات تميزه محاكمه ضبطنامەسى مندرجاتنه وحكم تميزهك مستند بولدينى اسباب موجبە نظرأ شايان التفات كوريله مديكندن رديله موافق اصول وقانون اولان حكم مذ كورك اصول محاكمه حقوقه قانونك ۲۴۲ نجى ماده سنك فقره اخيرهسى موجبجه تصديقه وبروجه زير مصارف تميزهك مستدى تميزه عايدقته ۲۹ كانون مانى ۹۲۷ تاريخده متفقاً قرار ويرلدى. ۱۵ شباط ۹۲۷ تاريخ و ۱۷۹۳ نومرولو اعلامك صورتيدر .

فہدہ رال محکمہ سندن:

قرار تاريخى ۶ تشرين ثانى ۱۹۲۶

رئيس: موسيو سولدانى

مدعى: غوتليب اوئيلي

مدعى عليه: الفه ترانكھل شھرى وصايت مقامى

خلاصه: ثروتك قسم اعظمى فقرايه ورن فقط سى وعمليله معيشتى تأمين ايدن كيسهك حجرينه محل يوقدر .

قانون مدنىك ۴۳۳ نجى ماده سنك ايكنجى فقرهسى (تورك قانون مدنى سنك ۴۱۶ نجى مادهسى) [۱] موجبجه اسباب حجر زائل اولدينى كجى مقام وصايت حجر ك رفعه قرار

[۱] ماده ۴۱۶: سائر اشخاص اوزرندهكى وصايت محكمه اصليله طرفندن رفع ايله نهايت بولور. حجر سببى زائل اولونجه محكمه اصليله حجرى رفع ايله مكلفدر. محجور ايله علاقه دارلردن هر برى، حجر ك رفعنى طلب ايدە بيلير .

اسو حجره قانونك ۴۳۳ نجى مادهسى: احوال سائرده مقام وصايتك قرارى اوزرنه وصايت رفع اولنور. حجر ك اسباب موجبەسى زائل اولمش ايسه مقام وصايت رفع قرارى اعطايە مجبوردر. حجر ك رفعى مجبور اولوب هر علاقه دار طرفندن طلب ايديله بيلير .

ویرمکه مجبوردر. بوندن، ذهولاً اعطا ایدیلن حجر قراری قطعیت کسب ایتدکن صو کرا قرار واقعه قارشی اعتراض ایدلمهش دبه بلا مدت دوام ایتسی ایجاب ایتدیکی معناسی استخراج ایتک لازم کلر؛ زیرا اساساً موجود اولامش اولان بر سبب حجرک رفعه قرار ویرلمسه امکان مادی یوقدر. بناء علیه بر حجر قرارینک کسب قطعیت ایتسی کیفیتی، حجرک رفی طلبک حین تدقیقنده مقام وصایت طرفندن اولجه ویریلن حجر قرارینک مستند بولوندینی اسباب حجرک قیمت وماهیتک تدقیقه مانع تشکیل ایتمز.

فی الواقع مدعی غوتلیب اوته تلی نک حجرینه قرار ویرمش اولان قانتون محکمه سی، مدعینک، سوائق دینه حسیله فقرایه صاحب بولوندینی بتون تقودنی یعنی الی بیک اسویچره فرائق توزیع ایتدیکنی تثبیت ایله مکده و حجرک اقباسی ایچوندده بو فقرانک کیماردن عبارت اولدینی خصوصنک مجهول بولوندینی واغلب احتمال مدعینک انتساب ایتدیکی جماعت دینه طرفندن مبالغ مذبوره استعمال ایدلدیکی خصوصلری سبب کوسترلمکده در. مدعی، مقام وصایجه صو کرادن ۱۳۵۰۰ فرائق بر بدل ایله صائلش اولان بر اورمانی کندیسنه آلیقومشدر؛ برده انای حجرنده معیشتی تأمین ایتدیکی کبی او وقتدن بروحیاتی سی و عملیه قازانمقده دوام ایده کلشدر.

قانتون محکمه سنک مطالعه سنه مغایر اوله رق ۳۷۰ نجی (تورک ۳۵۶) ماده موجبنجه مدعی نی اسراف وسوء اداره ایله اتهام ایتکه محل یوقدر. فقه درال محکمه سنک اجتهاد متادیسى موجبنجه اسراف وسوء اداره قضیه لری، فاعلک عقل سلیمدن محرومیتنی اثبات ایده جک ماهیتده اولماسی لازم کلر؛ بو احوالده، فاعل شعور سزجه سنه حرکت ایتسی لازم کلر وسفاخته کلنجه معناسز ولزومسز مصارفی اختیار ایتک خصوصنده کی تمایله مقاومت ایده مه سی ایجاب ایدر. فقط کندی احتیاجاتی ایچون ثروتک کوچوک بر قسمی محافظه ایله قسم اعظمی فقرایه توزیع ایدن بر آدم ایچون بو فرضیه لر وارد اوله ماز. حیاتک خودکامانه تطبیقانه مغایر اوله رق فضله سخاوتک غیر معقول بر حرکت اولمق اوزره توصیف ایدلمسه امکان قانونی یوقدر. حرکات بشریه تدقیق ایدلدیکی وقت مفکوره وی غایه لک سوائقنی نظردن دور طوتمامق موافقدر. مدعی، سجه سنک ضعیفی نتیجه سنده ثروتی اوته به بری به اسراف ایتیه یوب کندی قناعت وجدانی سنه کوره اخرتده معنویاتی استحصال ایچون بیلهرک وایسته یهرک بویه بر حرکته بولندینی پک معقول افاده لردن آ کلاشلمقده در.

حياتك احتياجات مبرمه سي بويكي فضله سخاوتك ده برحدودي اولماسي لزومي آمر اولوب قناعت وجدانيه سي نتيجه سنده اولسه منسوب اولديني جماعت طرفندن اختيارلني، خسته لني وسفالتی آوانده معاونت كوره چكي متحقق اولمانن ثروتي بر جماعت دينيه بخش وهبه ايمسي معقول بر حركت صاييله ماز؛ زيرا بو حالده ققرايه ياديني ايبلك كنديسنگ اقباسي ويا قومشوسنگ معاونته محتاج قالماسي انتاج ايدر؛ بويكي احوالده محكمه ۳۷۰ نجی (تورك ۳۵۶ نجی) ماده يه كوره مداخله ايتمكه مجبوردر .

مدعي بو درجه اوزاغه وارماديني كبي وارماسندن قورقغه محل يوقدر . يكي دينه سلوك ايتديكي تاريخدن برو حياتك ماديانندن او قدر تباعد ايتشدركه اناي حجرنده اونى معاينه ايتمش اولان دوقتور عادتاً اونى خسته تلقى ايتمكه مجبور اولمشدر . فقط سعي وعملك لزومي تقدير ايدجك قدر عقل سليم محافظه ايتمش وقيرلرده بر خدمتكار صفتيله لاييله وظيفه سني ايفاومعيشتي تأمين ايله مكده در . برادر وهمشيره لرينك ادعاسي قبول ايله قازانچدن هيچ برتصرف يانماديني قبول ايدلسه بيله بوخصوص حجره سبب كافي اوله ماز . خسته لني واختيارلني ايچون اورماتى محافظه ايتمش وبو اورمانك بيعندن متحصل مبالغك مقام وصايت طرفندن تنيه ايدلسي قبول ايتديكنى بيان ايتمش اولمغله بويياك سند اتخاذايدلسي ده موافقدر . بناء عليه مدعي نك غير معقول حركتده بولونديني وياخود سفالته دوشمه سي تهلكسنگ موجود اولديني ادعا ايديله مز . بناء عليه اعتراضات واقعه نك قبوليله حركت رفعنه قرار وېرلشدر .

Bibliographie

کتابلر

میراثچیلر و حصه لری از میرایکسعی حقوق رئیس علی کمال بک

قانون مدنی نك میراثه دائر اولان احكامی بوس بوتون يكي اولديني كبي محفوظ حصه لر قسیمی ده فضله جه مغلقدر . علی کمال بک بو بحثی کوزلجه تدقیق وتعمیق ایتدکن صوکر ا هرکسک احاطه ایده بيله چكي بر صورتده بو قیعتلی اثری قلمه آلملاردر . سهماری اول امرده هرکسک معلومی اولان حساب قاعده لرینه توفیقاً آیردقدن صوکر بعض مسائل فرائض اصولی وجهله حافی فائده بی ده ا زیاده شامل قیله جعی ملاحظه سیله مناسب کورمشدر .